

有賢愚罔明禁忌神唯勇悍其間幽明犯之則無故悞之分千之則必示災凶之變幸惟太上再閱凡夫出符文以安寧宣呪法以警戒百神聽其令幽鬼稟其盟使悞犯者轉禍為祥級授者却災致福人天蒙利家國沾恩

道門通教必用集卷之四

道門通教必用集卷之五 卷六同 帳五

職佐篇

鶴林道士呂太古集

黃錄第一日為 國歎經文

夫道德經者無為之文自然之化落落太漠之表巍巍象帝之先二氣資之以立根三光持之以成象細無不入大無不包其真以治一身其土行實且昨音足以治天下其功以度羣品而微妙則能致神仙昔老子之過函關授八十一章而徑去漢文之從河上蓋千七百年而僅傳窮乎無窮極乎罔極以宣道德之要以為帝王之師至如昇玄演清淨之音入衆妙門而雜諸染著懷失列懺悔之品度一切厄而所履平安黃帝著陰符之書可以用師於萬倍青羅傳星曜之呪可以推運於五行是皆扶切神道於幽微闡玄宗之隱奧誦之則聲參太極研之則治化昇平禍滅九陰澤含萬宇慶流宗杜坐對無疆之休棧格神人潛消難解之厄再伸偈頌以盡讚揚先天立極浩難名恍惚希夷植本根天步

永清旋日月道樞不動轉乾坤靈源直斷羣迷徑仙路宏開衆妙門聖壽綿長皇極建願言辰極與齊尊

第二日遷拔歎經文

天度人經者三洞上品一乘妙言參夷魔之歌音宣百靈之隱韻昔授於碧落之上而藏於紫微之宮梵氣彌羅周十方無極之界金真朗郁煥八天空洞之章文暢而曲不華趣幽而義益與極玄中之妙旨非世上之常辭詠之者名列玉房聞之者神飛金闕萬帝設禮羣妖束形以至生天通微奧之言清靜存真常之性十方嚴救苦之寶訓九幽投心印之靈篇普度天人津梁生死俾罷對於長夜咸列名於上清再引偈章以伸濟度
玉書金簡度人深流出慈尊廣大心梵氣結成無極界天風飄泛自然音九幽破械冰消戰八極飛香月滿襟檀首無英齊接引神光一道破重陰
第三日消災歎經文
伏聞太極既判兩儀肇生闡妙道於虛無寓

至神於水火欽純陰肅肅之象宣至陽赫赫之精氣氣不停生生相續實之以坎畫於朔易之都虛之以離煥乎文明之位陶鑄萬品統御三元五行得之以成七政得之以運道

生於一而著於水火之用物散於萬而極於水火之功南北二經蓋蓋蘊昔太上之下降命天師之密傳浮玉局於地中敷揚秘訣化鶴鳴之山上親授靈文可以薦福消災可以注生削死永除業障漸入仙宗且天童開護命之符而真武有降福之願上智廣真一

之訓報助勞恩靜觀達智慧之門明解脫義功德甚重不可具陳輒引偈章以伸讚歎芝壇香竊露華稀雲際風高鶴蓋飛玉宇寥寥鳴警蹕金光奕奕下丹墀願傾法雨除塵垢更乞仙丹造道微兩卷真經香一辨自茲根極欲知歸

懺悔
道家儀文至於某先生號為大備文字皆有所出或儒書或道書割裁鋪張自有體製一字不可移易惟懺悔文消災遷拔兩

為又多取莊子使人聞之洗濯疏倫有清心向道之意未燭厥理者或有改易增加書字殊為可笑故書之以告將來

黃錄啟壇懺悔
臣法眾等至心歸身歸神歸命十方無極太上靈寶天尊圓穹列曜星辰厚地洞天海嶽醮庭感降一切真靈伏願大慈洞回昭鑒同垂巨澤普降洪恩臣聞天無親而所輔在德福無門而所召在人仰歸衆妙之門必應羣心之用寶笈著度人之法獨步

玉京驛龍馳奏善之章上朝金闕每靈心之至應見天意之孔昭皆太上垂慈濟拔之科而天下奉道修為之路躬嬾如答神明固違伏念臣法眾等暨齋官某等生逢盛明志慕虛靜清天君而疏淪斷業障以飯依謁款在

辰齋明有翼將以交三靈於恍惚構百順以延長尚慮宿運功微前緣德薄今生往劫多縱罪根俗骨凡胎未階真品雖道心之甚固恐天聽之難聞伏願

上聖哀憐洪恩蕩宥拔九祖之寃於既往資

三世之罪於將來洗六根以一新東純誠而無貳庶幾寡過仰格上真用修黃錄之科延召紫清之福臣等稽首禮謝

無上至真三寶
散壇懺悔
臣聞強名曰道本清靜以無為不測者神有感通而必應再蕩滌於尸穢終對越於靈真伏念臣等仙品未充業根尚在雖稽參於寶錄常諷誦於真經宣舉教科修行齋真慮有違於道範曾未沃於靈心輒更澄練身形洗除塵染擯性天而一毫莫翳拂心鑒而內境圓明藉此修持用祈感格伏願眾真瀾略上聖涵容凡朝謁非儀壇壝不肅千恒萬過並乞貸原臣等稽首禮謝

無上至真三寶
消災懺悔
臣聞盡天下之物不足以交神明修習中之誠斯可以應天地矧乃玄元之教莫非清靜之門儻三業六根之過存豈一精二純之能格當齋科之謹始欲塵累以先除庶藉宣揚

以伸昭格。臣今懺悔。奉道某等。因從曠劫。逮及今生。有妙湛之體。而為情所昏。有虛明之用。而為物所蔽。欲惡盛而性有荏。章聞見疎。而智亦聾。盲不能外身。而多身。矻不能緘口。而多口。過意有所至。愛有所忘。積其有。避之。生造徧無邊之罪。今則對

列真。而懺悔。體妙道。以修為。諸業生於諸根。塵塵是妄。有身執不有。患物物速。真愛即靈。壇盡祛。往咎心。疏淪而內觀。無礙性。虛靜而外境不移。謗誦之。佞皆除。津津之。惡悉去。已

作之。故業永不蹈。於覆車未造之新。殃更不投。於深窳。靡全身。而速害無見。利以忘真。伏願眾聖。洞昭皇靈。速燭以瑤池之水。洒濯於羣心。以甘露之華。沆除於眾垢。衆相罪根之消滅。靈光慧性之圓明。恪遵儲福之科。用副

延生之格。若非生日行懺。恪堅為善之心。仰俟降康之澤。禍沓九地。福遍十方。且等稽首禮謝。

無上至真三寶

運拔懺悔

此懺悔之意。止為見存懺罪。將以清心靜念昭事。

上真非是為亡。懺悔性往。誤認旨意。引亡人姓名不知。人理大不相干。

臣聞探真精於象。外道本冲虛。發洪頌於家中。理歸清淨。非滌除於外。慮不見以將上靈。

非懺洗於塵緣。不可以奉齋。直臣今懺悔奉道某等。自從曠劫。逮及今生。身口意之所為。天地人之六見。有身斯有大患。久積罪愆。諸業生於諸根。未祛惡障。耽染聲色。放蕩心形。

血氣盛而爭鬪之患。生嗜欲盈而性命之情。病每皆真。而就偏難解。心而釋神。當齋事之。啓行恐層霄之有隔。欲以太玄之水。洗諸惡根。欲求大度之舟。達于道岸。植無漏果。塞眾邪門。洗除其五。蓋大塵。斷滅乎十纏。九結。一

心。已悟萬罪皆空。誓從今日。至來生。永不將身。纏業網。伏願清都。委鑿。察極。回光。察素。惻之克勤。霽洪恩。而允洽。陰愆。陽過。悞犯。故為或上世流注之殃。或六親連逮之役。上世六親。或宿世所造。或仇家所誣。毒風惡氣之侵。

凌魔鬼凶人之傷害。並願道風掃蕩。流諸法除。俾澄練於氣形。庶對揚於壇壝。拔九祖之冤。於既往。證上仙之果。於將來。九天不夜之長春。願陟洞陽之境。三業無根。而自落。長辭萬鬼之羣。福遍滿於十方。禍永沉於九夜。且等稽首禮謝。

無上至真三寶

外壇開方

開方文非一本。無出於巢先生所修為善。其他或紀五行之德。或叙鬼神之由。皆

切當無如止行此文。

九龍街詔遷升積夜之。鬼六鬼交鋒。逼絕更生之路。太上昭垂於明訓。神公為掃於不祥。敬奉典彝。恭伸開告。欲冀明靈之感。格先憑梵唄音之稱揚。仰仗眾慈。同聲相應。

皈命東方主。王寶皇上。天尊。皈命南方主。玄真。萬福天尊。皈命西方主。太妙至極天尊。皈命北方主。玄上。王辰天尊。皈命中央主。太乙救苦天尊。不可思議功德。

以今焚香虔誠。告召地界主者。五方開路。大

神伏望神慈降格香壇證明虔禱入意竊以陰陽不測者神之妙變化無方者道之真惟太上以陰陽不測之神盡變化無方之道六通四關其用長存倏往忽來洞然無礙降神而赴感體道以應人受度者無間於存亡飯真者豈分於遠近當使千載之久而頃刻而來萬里之遙如咫尺而至臨詣難席參聽法音朝上帝以登真聽空歌而悟道儻或所追靈識不即赴壇一切地司妄生邀截致幽冤之阻滯隔生路之開通天憲甚嚴真科不貸今者齊官某家大啓殊常之齋範遍延三界之高真星燈爛接於玉繩香霽上通於金闕聞諸天一聲之隱韻百生之業障俱空聽司馬九過之洞章三萬之形神皆備前七後化時刻昇遷尚慮三世幽冤九泉滯魄未經薦拔極用悲酸乃請長生救苦之符敬讓克勤之戒將欲宣之於黃籙壇內投之於太上御前先當告戒神祇開闢五路使者如不繫之舟去來無礙若出籠之鶴騰翥自由咨爾眾靈廓開道路所有文牒謹當宣告宣訖上來

文牒遍諭柔祇若無牒即從道路下云上來啓告遍諭柔祇宜爾神司速依道訓當界土地里社城隍守疆護界一切正神請闢道路接引亡人有闕者速開有津者速度勿墜勿遏勿稽勿停有陰訟者勿得拘留有冤對者勿得纏縛東來而青騎將軍扶擁西來而元卦大神護持南來而朱雀之地疏通北來而玄武之方開豁無遠無近無親無疎依女青之詔書閱先靈之名姓沿路關報逐界申聞撥發前來斯須無滯即使亡過某等如晨風之趨林如夜蛾之赴火如水之東注如馬之出奔逕赴道場領露功德若有六天故氣孽鬼妖神妄肆猖狂敢生邀阻請戮路左以明天誅道法甚嚴天威難犯度人功大風火不停道路山川急急傳命載伸俯頌感格神靈舉不可思議功德

大聖玄元教主
元始有命 上開八門 死魂受鍊 無量度人
天關一轉 飛天法輪 咨爾東方 震上諸神
咨爾南方 離上諸神 咨爾西方 兌上諸神

咨爾北方 坎上諸神 東北良方 號曰鬼門
東南巽方 地戶所存 西南坤方 號曰人門
西北乾方 天門所經 地界主者 八方之靈
請闢道路 接引亡人 使詣靈壇 聽法聞經
領沾功德 保命生根 敢有拒逆 逼合鬼羣
翦形截首 風火無停

今法衆等合道場人誓首依至心奉請東方青帝南方赤帝西方白帝北方黑帝中央黃帝開路將軍鑿察弟子丹誠開闢五方道路

偈曰
上來儀範戒乘祇 想爾八方盡遍知
應有關津蒙濟度 更無道路敢稽違
亡魂已出寒庭獄 丹霍行升火鍊池
空洞謠歌齊讚詠 敢憑道力拯靈儀
黃籙大齋第一度 召請祀典神祇
伏蒙戒夜沉瀝澄空佇神聽之格思控忱誠
而揚若入意以今恭率法衆第一度召請古
先帝王道德衆聖忠貞勳烈歷朝文武重臣
凡該祀典諸廟福德靈享伏願暫迂馳駁降
赴道場領錄齋功證明修奉

伏以大道弘化真一播靈三清為衆聖之先
彌羅冠萬天之首考分九氣復品四人踰劫
歷之先出陰陽之表三界為超凡之始八梵
為元陽之初上開清圓下凝方濁玄黃交感
太素流形對越在天准尊元首於是冬居管
室夏處層巢飲血茹毛結繩識事造及燧人
鑽火伏羲畫爻炎帝肇基有熊御世帝嚳順
天而行義高陽任地以依神夏后祖于唐虞
殷命法乎三聖文武為繼代之主漢唐宗撥
亂之君莫不龍虎勃興風雲際會又况世分
治亂臣有忠良莫非理國以輯民皆務積功
而累行故在天為星象在地為神明德被羣
生澤流萬世膺上帝之休命授列職之仙班
故混元圖翼所載云伏羲為太一真君神農
為南極真君軒轅為中黃太帝少昊為太虛
真君帝嚳為太玄真君顓頊為北宮真君帝
堯為太微真君帝舜為太極真君夏禹為紫
庭真君殷湯為北玄真君武丁為紫微真君
陽甲為蒼元真君文王為太虛真君武王為
太平真君康王為太華真君穆王為九元真

君僕高皇為北帝賓友文帝為通玄真君景
帝為太一真君宣帝為紫華仙伯武帝為玄
成真入凡諸神聖曆哲之君皆證清高崇峻
之位曳裾八極騰景九天經若不傳世莫能
顯復有忠臣賢佐良輔元勳位列仙階名垂
信史或享世間廟食之盛或主嶽瀆鬼神之
權故風后為太華真人力牧為玄山真人太
山稽為洞庭真人蒼頡為九華真人容成為
應化真人大撓為玄光真人奚仲為太虛真
人傳說為左言上相叔齊為金闕僕射伯夷
為太微侍郎周公為紫微都護太公為紫府
道統越范相為金天真人漢留侯為太玄童
子東方曼倩為歲星真人揚子雲為河源丞
孔安國為太玄監又真靈位業圖所載召公
李子皆為南明北明之公齊桓晉文並領司
命都禁之職第五元規勿輿為左司禁元直深源
為侍帝展陶士衡為河西侯温太真為監海
伯凡諸賢哲皆有典司計年限以進陞視功
勤而超證故北帝則三千年而易嶽瀆則
六百載而始遷武解為地下鬼王文解為地

下主者至忠至孝至貞至廉初為鬼官轉升
洞府類皆百四十年而進補入宴東華階分
二十七品以歷陞方逃大劫惟上天黜陟之
甚闕非下界耳目之可窺諒累積於魏功方
漸登於仙位况茲庸蜀并絡之地實依曾昌
建福之休金馬碧雞之神昭垂漢策銅關王
壘之廟大庇坤維羣望分司示列止自蜀
郡以類而推廣過率土皆有於綱維山川九
州玉帛萬國鬼神司之幽隱廟貌遍於邇遐
功憂在民靡神不舉今有奉道某家遵九壇
之典訓奉三錄之彝儀上極鬱羅之天中該
乾坤之界下際洞淵之府幽單朔都之鄉一
念感通百靈交會凡天地水陸遍祈而致禱
宜山川鬼神咸集於無方伏願大恢得一之
靈悉自無方而至為奉碧簡招真之命並獲
金闕朝真之班對揚天休保安國祚封掌生
死仍開方便之門把握陰陽盡躋皇極之世
伏願暫駐風雲之馭俯歆蘋藻之羞陰佑齋
功克諧願望再伸偕頌感格威靈
帝王稽古代天工 異教同風建大中

元首股肱無二用 鬼神賢聖信兼隆
人間祀典思遺列 天上仙班答駿功
香火載嚴遵薄告 願驅雲馭格精衷

第二度召請亡魂

遊魂為變大夜不晨必傾九色之金光用掣
重陰之鐵鎖大方無礙萬法昭融

舉天尊

有物混成寔生天地圓清方濁厥中生人是
名三才各具道性天長地久無古今推盡
陰陽裁割昏曉一氣不息萬形以生卓然有
神是為造化人居其內上配兩儀貴賤雖殊
賢愚有間其所稟受同此一初負陰抱陽圓
首方趾始從嬰孺精守神全天真不虧混沌
未鑿不慕富貴不羞賤貧雖合識知純粹精
白名真實性無邪傷心得生為人所貴在此
洎及長大身與世交漸喪天真熏煎人欲赤
子之性日削月蝕林林而生滔滔皆是惟務
逐物不知愛緣豈識此身上配天地始從胎
育降氣九天十月既圓萬神備守一形既誕
七竅開明頭布九宮九真所蒞中分五藏各

有一神三竟處肝欲人為善七魄居肺欲人
為非二十四真分列三部紫戶玉閣絳宮丹
田中有真人號曰赤子天地神氣三萬六千
關節機微皆歸掌握人之一身豈不至貴尤
所貴者唯吾一真是厥初生純粹精白人能
處世各知自存周身中神欣喜踊躍項戴之
星光明照耀其或精鍊可致神仙真正慈仁
亦能久視如其反此莫匪惡緣神氣日衰星
光日暗一真之性至死不知上奉大道混成
之緣下負兩儀受中之道冥冥長往與鬼為
徒萬神悲哀各去其體或淪幽夜或屬鬼官
欲求超生渺無涯候惟我太上歷劫宣慈於
生死流關津梁路神幡啓道普詔招魂香水
蕩瑕法橋拯溺靈符起死妙戒歸真雲篆遷
神法澄破暗昭垂道妙還復性真使諸衆生
從死域後於諸苦趣發回向心認處天真懺
悔惡業乘六通惠出萬鬼羣得親天尊說無
上道鍊形火府度品南宮各隨本人根品深
淺其如頓悟便超人天以漸進修復生正性
如上所說具載真經危哉一心生死輪轉使

我太上弘誓不忘願諸衆生皆得悟道今有
某家熏修妙供啓迪生方謹即長途以伸告
召當願亡者各識天真以本性靈合諸冤氣
大聲疾呼名姓不迷廣進康衢山川不隔一
念千里彈指三生即到道前了無壅滯再伸
仙偈招引亡魂

道通天地獨人倫

一聚天真萬寶身
逐物便淪生死海 觀身誰作聖賢人
精金百鍊猶諸性 流火重燒復本真
舉起神幡祛壅滯 盡招冤爽出迷津

第三度

沉陰戒夜鬼正可呼滯爽迷方道常善救入
意

舉聖號

爰有太極兩儀肇分輕清為天三辰蒸布重
濁為地萬物叢生六合之間有中有一氣
之運有正有邪中有冲和列為人品間氣之
積篤生聖賢林林而居混為凡庶乖戾所聚
是為鬼魔駭雜之餘下為禽獸世界肇造羣
品自分草昧恠恠不安性命從上古聖制作

是興貴賤尊卑華戎人獸各得其所無使顛
隋崑崙所臨下為中國聖賢傳道允執厥中
仁義定名忠孝同出以信以悌以禮以刑設
為多方防其一念一念適正不踰其闕為天
為人為神為聖其如乖戾驚暴凶復甘入魔
羣與諸天闢人道之內缺犯網常一失人身
隨諸地獄鐵城火繞銅柱膏然種種負債冤
冤報對魑魍問影觸穢稱孤溟漠無依吁嗟
長歎貪瞋癡業無所解知餓鬼旁生隨業受
報諸趣升墮悉本於人危哉寸心力敵造化
一悟充積先天弗違一迷不迴諸聖莫救方
寸之內六趣輪迴三界之中歷劫往返業火
熾盛焚燒大千逝水沙瀾飄淪八極到此境
界奔逃倉皇呼叫悲號孰為救度惟我大慈
悲父元始天尊放大光明普照無外於業力
海穩駕慈航於唐焰城沛為法雨玉顏惻隱
金手提携以大神通啓其真性一彈指頃盡
出苦輪一閉目間各識宿命衆生未度悲願
長存盡諸未來普令解脫今若某家仰依洪
誓大闢良因親親仁仁咸皆薦拔自色欲界

及洞淵泉自中華區遍無量國天人鬼獄異
趣殊倫轉大業轉與之俱載伏願各乘法力
俱到道前瞻對天尊平等受度一聲空洞洗
清投芥之誠萬類含生盡入慧珠之數再伸
偈頌以攝遊覽

上從雲誓下淵泉 六合旁通過大千
達者自居形器外 迷徒寧免死生纏
業輪盡逐攀緣轉 仙品誰知體悟還
空際寶珠通竅道 冥心元始乞哀憐
沐浴度冤儀

伏以黃泉溟漠疑濁滯染於神鬼黑壤幽陰
積穢沉埋於靈爽昏昏長夜難逐超昇是以
太上慈憐元皇悲愍垂洗滌塵勞之法宣沐
浴鍊度之儀即使業網斷除罪根蠲釋今則
嚴陳寶室潔備蘭湯設五香潔盟之儀按三
籙揆拔之格奉請亡過某等赴室沐浴湯濁
流清事畢嚴莊歸位聽法
伏以泉路幽深寒庭積穢使神鬼而冥昧至
靈爽以昏蒙非憑濟薦之功莫遂超昇之望
請法衆等奉為亡靈上資往生仙界念沐浴

蕩穢呪
天澄氣清 五色高明 日月吐輝 濯練身形
神津內溢 香湯氣精 光景洞耀 煥映上清
氣不受穢 五府納靈 罪滅三塗 禍消九冥
惡根斷絕 福慶自生 今日大願 一切皆盟
身受開度 昇入帝庭

伏以神飛仙境須憑鍊度之功魄離幽陰可
證昇真之果斷除塵穢速得往生集和氣於
身田解宿冤於業網請法衆等奉為亡靈上
資往生仙界念沐浴鍊真呪

太上高真 九靈之精 使鬼飛仙 上登紫庭
沐浴華池 身神澄清 精通太虛 萬氣自生
伏以黃籙垂科紫清設教濟生度死咸入法
門開流火之神庭鍊陰除穢激清華之法水
洗滌塵勞可登清淨之鄉得見虛無之聖請
法衆等奉為亡靈上資往生仙界請丹陽鍊
度亡鬼呪
龍漢蕩蕩 無形無名 渺渺億劫 皇道開明
神清朗耀 九鬼吐精 玉虛澄輝 太霞高明
元始開化 諸天齊臨 三元道養 二象攝生

未度者度 未成者成 已死即化 已枯即榮
 蠢動蝸息 一切冥靈 懷胎含孕 咸得受生
 今日大吉 皆得光明 五帝鑿昧 普告萬靈
 天地神祇 及諸河瀆 五嶽四瀆 及諸名山
 洞元洞虛 洞空洞仙 無極大聖 至真尊神
 無窮無極 普鑿度生 地根斷絕 元都記名
 眾真普應 一切咸聽

伏以象為帶葵因法力以超昇苦海冥鬼聽
 仙音而解脫速離濁液徑上清都託化人中
 常居福壽請法眾等奉為亡靈上資往生仙
 界念沐浴東井呪

天河灌東井 石鏡水母精 圓光拂靈曜
 玄輝瑩高明 元始扶重夜 天人逐月生
 沐浴蘭池上 龍育長庚瓶 金童洒香水
 王女流五星 冠帶濯玉津 練度五仙形
 體芳萬神降 乘景登高明
 伏以慈心救物經法度人開度羣生成令皈
 向灌濯先資於清淨寬靈始獲於逍遙諸法
 眾等奉為亡靈上資往生仙界念清水度鬼
 呪

巍巍道德尊 功德已周圓 降身來接引
 師保自相携 慈悲妙法水 以用洗愚迷
 水度三清岸 長辭五濁泥
 伏以激濁揚清已周於品格昇真度厄用濟
 於幽明今則沐浴既終氛穢已蕩神識清淨

苦惱蠲除奉請七人儼新冠帶來詣道前恭
 禮慈尊聽受符戒請法眾等奉為亡靈上資
 往生仙界念著衣冠帶呪
 五濁已清 八景已明 今日受鍊 罪滅福生
 長與五帝 齊參上靈 形神俱妙 上生南庭

今則沐浴既畢嚴潔已成寬衣楚楚以飄香
 雲趾徐徐而離室謹對
 三清之御座宣聆九籥之真科傳戒受符起
 凡入聖庶克成於妙果期速證於仙鄉神鬼
 如存俯從迎請

呪施甘露法食儀
 法師就坐三誦

元始天尊啓請呪畢然後坐行呪食事
 元尊出教高為萬道之宗歷劫度人流演重
 玄之義欲廣津梁之路必先啓告之儀冀洪

造之鑒觀作幽鬼之依怙天光所燭甘露有
 靈各堅誠感之誠上格
 虛無之聖誦王清慧命啓請呪曰

稽首冥慧虛無尊稽首皈命重玄主裁成
 天地無德稱悉為眾生作恃怙慈悲五道
 轉輪寬哀救三塗地獄苦皈命金闕天中
 尊皈命六度慈悲父皈命玉清無上尊已
 離生死長綿綿出有入虛無所待能令枯
 朽變成仙千劫萬劫難一遇為眾廣說業
 因緣回駁起死水長存使其形神無變遷

聚則為生四體固資於飲啄散則為氣一靈
 豈假於盤飧知死之說則形充空虛達生之
 情則氣吞萬象苟性靈之不悟則業識以相
 迷竟氣何所不之自為封滯形骸與物俱化
 尤覺繁纏想念一興殃考俱至負罪障則業
 風披拂備歷辛酸思飲食則飢火燎焚無由
 飽滿似茲顛倒難得超昇是以
 太上慈憐元尊悲愍託香羞而見道妙呪法
 水而作清涼洒開冥路之重昏沾溉眾生之
 內熱功德至重利益無邊今有醮官某奉

爲亡過其等奄毒塵蒙恐沉幽夜精展追思之念恭修薦拔之壇潔人世之蕙肴仗

天尊之法施爾等各宜剝心之實味道之腴音余飲神仙沉澗之津食太極冲和之氣樂

南面之說者從然以天地爲春秋復上首而生者卓爾以死生爲夜旦一言契悟萬劫逍遙更憑甘露之章啓發自明之性

誦開業道通真呪

功德金色光微微開幽關華池流真香蓮蓋隨雲浮千靈重元和長居十二樓急宣

靈寶自在天堂遊

靈泉合抱於五行利萬物而故幾於道法水流通於百谷受衆垢而無所不容稟天一而爲尊生上善而爲德因地而爲曲直隨器而爲方圓以理推其源也窮愈遠而極愈深以道彰其用也澄不清而撓不漏外以洗蕩其六根十惡不經於熱惱焦勞外以灌注其九竅百骸可至於金漿玉液天尊設教用濟幽牢憑此讚揚廣伸供養

奉爲亡者誦開咽喉普潤法食呪

悲夫長夜苦熱惱三途中猛火入咽喉長生飢渴念一洒甘露漿如熱得清涼神寬生大羅潤及於一切

香

香飄無價焚之而七返氤氳道貫自然祝之而九光馥郁故道由心學而心假香傳作如是用則非火非烟作如是觀則非黍非稷厥中不昧其香遠聞上達於三境十天下徹於九幽五道明其奧理用薦亡靈襲向爐中廣伸供養

奉獻諸天無價名香

返寔名香返風名香逆風名香七色名香天寶名香香氣氤氳周遍十方廣伸供養

花

玉京山上自然生七寶之林大有庭中彌覆有八鸞之樹森羅煥麗秀鬱青蔥食齋樹之葉乃爲玉仙一身若琉璃而洞徹滄寰林之花而變金骨五藏如寶鑑以圓明惟天真無染無著一片豈有沾衣故人世不種不生五葉何得結實金花玉蕊華池黃芽妙無出於

凡軀鍊必成於仙骨三花聚頂九氣結形憑此讚揚廣伸供養

奉獻諸天異境奇花

九靈太妙真花五靈小妙奇花碧藥黃金艷花黃藥紫金權花闌苑青瓊瑤花瓊林流光寶花花光燦爛照映十方廣伸供養

水

混沌未分元是一壺靈液神奇已具散爲九醞清醴幾人識得聖賢濟世須知厚薄若能味手味始見醇乎醇儻飲三盃必通大道謹將奉獻願嗽芬馨聚爲滿腹之陽春散布漫天之甘露貫三才於不言不笑混萬物於一醉一醒撥琴而鼓白雪鶯鷺舉盞而邀清風明月樂壺中之天地遊物外之烟霞慕道洪崖公尋真白雲子神仙妙藥大聖靈丹捧此靈漿普伸供養

奉獻諸天七種寶漿

日精寶漿月華寶漿天皇寶漿甘露寶漿金液寶漿靈光寶漿玉匱寶漿飲之無盡周流十方廣伸供養

果

果因花結當資種植之功心靜道生必假栽培之力故有蟠桃紫柰火棗交梨近取於身遠取於物儻心田之瑩潔則果實繁榮或荆棘之叢生則根苗枯槁色如橘而甜如蜜成有歲而熟有時有三千載而結成有頃刻間而頓熟咀嚼而精神爽快玩味而性識清通若結果而收因當云華而務實宜於此際方寸了然憑此讚揚廣伸供養

奉獻諸天瓊林珍果

空洞靈瓜萬歲仙桃金紫交梨元光素柰赤靈火棗飛丹紫榴香氣布濃食之無盡周流十方廣伸供養

飯

天人之糧淡泊無味事載黃庭黍米之珠登引無餘功標靈寶故茲上聖唯嚙味於沖和觀彼下凡恣膏粱於厭飲惟天廚之香飯四種民中種來且世間之稻粱百鞭粒粒從苦得享福不耕而食者宜思本始知足有餘而得者切莫輕拋今法會之崇修作惠儲之

珍供故將香饌廣度死冤憑此讚揚廣伸供養

奉獻諸天四種香飯

豐山香飯龍山香飯青精香飯太和香飯香氣布濃食之無盡周流十方普伸供養

心花智果金飯玉漿靈寶慧香芬芳法味皆託物而顯道宜即色以明心各推廣博之誠轉作無窮之施願大地悉臻於飽滿無一物不被於薰陶更藉宣揚以全啓迪重聞反慧照於太無圓通眾妙煉真光於法體嚙味沖和能取足於諸身初不資於外物呪食之後冀汝亡靈挹內景之靈芒定中央之正位飲靈樹瓊瑰之澤食黃華璧玉之柔道契杳冥神凝遼廓宅元房而偃息助真化以周流

奉為亡者上資往生天界誦玉清大

慈天尊甘露法食呪曰

回首仰圓羅合景把靈芒拘羗制七魄思臍定中央行住履虛無寢息宴元房飢飡黃壁華渴飲瓊根漿神旌命天魔合體鍊真光復照觀太無長在空中遊圓通泯波

際真化靡終期香宴無終始行者當明知寂寥忘理教應運藏宏規鑑道不自昭要當先所施會歸無二處隨心自合離方雜手芒芴之間通變未乘於一氣欲反其知識之本造形必自於三光宜嘯詠於清謠以發揮於生路呪食之後冀汝亡靈負陰抱陽稟日月高奔之氣陶蒐鑄魄儲坎離交構之精三宮滿盈十相具足早超通達之國長遊智慧之門

奉為亡者上資往生天界誦三光澤

嬰甘露法食呪曰

浩晶生元氣氤氳太空中兩曜共明徹五緯交相同三光煥已明寶氣盈三宮帝鄉會九老咽服百體豐金華照光景身與日月同念道上聖前萬劫壽無終

天生蒸民積三萬六千之神氣世畏大道隲一百八十之靈關自靈損於真根莫敷祭於玉樹神不自許魄與鬼遊欲反生源必資梵唱呪食之後冀汝亡靈得衆化之元精復五神之真宅白元右衛公子左扶頂飛翠蓋之

淨是有金蓮之擁香雲覆體甘露酒心湛恍
惚之元靈養希夷之正氣

奉為亡者上資往生天界誦王清大
悲雲宮陰生梵唱生惠浴魄呪曰

雲根無垠衆化之精中凝七魄內結三魂

二十四真出入無門杳冥之精恍惚元靈
隨劫存亡逐氣而生內凝混樸外養七經

五神植華三台敷榮紫閣素童反寇歸嬰

騰雲而仙騁霧浮空中有玉京號曰神公

左挾無英右衛白元玄獸過後丹禽擁前

上浮翠蓋下擁金蓮香雲凝空甘露無窮

用之不盡尋之不終

九幽黑暗六賊之所控牢一念虛明大方初

無吟域欲優游於正處宜咀嚼於太和更仗

寶章以嚴法味呪食之後冀汝亡靈挹甘露

之零蒙永清心垢隨王音之歌嘯坐致神遊

看酒未清八極周遍

奉為亡者上資往生天界誦九幽起

生甘露法食呪曰
於於甘露滋法味難思議為林流七珍永

除飢渴想受此法施食生天登紫房餘潤
發清涼遍及於一切

地獄幽沉舉有鐵圍之固天堂遼廓眇無階
級之昇憑萬道之金光破九陰之泉路呪食

之後冀汝亡靈泰定發乎天光吉祥生於虛

室玉樓十二通救燕於華池泥丸九真紫朝

參於上帝此即昇天之徑路長舒破獄之祥

光致極高明得大自在

奉為亡者上資往生天界誦破地獄
昇天呪曰

茫茫鄴都中重重金剛山靈寶無量光洞

照炎池煩七祖諸幽鬼身隨香雲與定息

青蓮花上生身永安

三光流精凝結為洞真之體一念不善淪

於眾惡之途永下出於洞泉必仰資於神呪

呪食之後冀汝亡靈及一氣之氤氳聚九華

之煥爛混沌無竅函乾坤造化之先崑崙為

家出雲雨冥濛之上

奉為亡者上資往生天界誦三光流
精甘露法食呪曰

妙道分一氣氣中分陰陽變化日月精燦
然流三光九華合九道八色怡八方煥爛

洞真體流精歸太落下生淵泉宮上列無

何鄉縱體復飛跡忽然都相忘七寶疑精

潔混沌雜華芳嚙服九氣雲此樂殊未央

向來宣演靈章寶偈並是

元尊神呪諸聖真詮九丹妙訣甘露法言妙

理難思殊因莫測總用資薦七過其等享淡

泊之正味衆美皆從得恍惚之元精長生不

死仍推餘慶垂堯見存上窮圓蓋下市方輿

俱沐良緣齊登道岸

施食
一切福田施食為先當來淨土衣食自然
是故供養普獻諸天

法食
香廚妙供上獻天尊中奉真聖下及萬類
舍生普同供養

亡人食
所餘齋昨回施冥路食者充飢免諸困苦
大道慈悲引歸仙路